

文淵閣

影印

四庫全書

影印

文淵閣四庫全書

第四九二冊

北京出版集團公司
北京出版社

圖書在版編目(CIP)數據

影印文淵閣四庫全書 / (清)紀昀等編纂. — 影印
本. — 北京: 北京出版社, 2012.4

ISBN 978-7-200-09184-7

I. ①影… II. ①紀… III. ①四庫全書 IV.
①Z121.5

中國版本圖書館CIP數據核字(2012)第059042號

策 劃: 方應權

責任編輯: 楊良志 蔡紫昀

責任印製: 宋 超

影印文淵閣四庫全書

(清)紀昀等編纂

北京出版集團公司

北京出版社

北京北三環中路六號

郵政編碼: 100120

北京出版集團公司總發行

北京鴻博儒文化傳播有限公司

北京中獻拓方科技發展有限公司印刷

開本: 十六開 七八七毫米×一〇九二毫米

印張: 七五〇〇〇印張

二〇一二年四月第一版第一次印刷

定價: 陸拾萬圓整

ISBN 978-7-200-09184-7



9 787200 091847 >

本冊目次

至大金陵新志

元 張 鉉撰……………一

無錫縣志

不著撰人……………六五三

欽定四庫全書

史部
至大金陵新志卷二

詳校官編修_臣曹振鏞
檢討_臣德生覆勘

總校官檢討_臣何思鈞
校對官中書_臣李荃
謄錄監生_臣丁堂
繪圖監生_臣羅善徵

欽定四庫全書

史部十一

至大金陵新志

地理類三

_屬都會郡縣之

提要

_臣等謹案至大金陵新志十五卷元張鉉撰

鉉字用鼎陝西人嘗為奉元路學古書院山

長至正初江南諸道行御史臺諸臣將重刊

宋周應合所撰建康志而其書終于景定中

嗣後七八十年紀載缺略雖郡人戚光於至

欽定四庫全書

至大金陵新志
提要

順間嘗修有集慶續志而任意改竄多變舊

例未為詳審復議增輯以繼景定志之後因

聘鉉主其事凡六閱月而書成首為圖考次

通紀次世表代表次志譜列傳而以撫遺論

辨終焉今本路儒學雕本印行至明嘉靖中

黃佐修南雍志尚載有此書板一千一百六

十四面是今所流傳印本猶出自原刻也其

書略依周志凡例而元代故實則本之戚光

續志及路州司縣報至事蹟其間如官屬姓

名已入前志者不復具錄而世譜列傳則前

志所有者仍摺載無遺體例殊自相矛盾又

其凡例中以戚志刪去地圖不合古義識之

良是至於世表年表則地志事殊國史原不

必仿旁行斜上之法轉使汜濫無稽戚志刪

除深合體例鉉乃一概訾之亦為寡識然其

學問博雅故薈萃損益本末燦然無後來地

欽定四庫全書

至大金陵新志
提要

二

志家附會叢雜之病其古蹟門中所載梁始

興忠武王安成康王二碑朱彝尊皆嘗為之

跋不引是書為證豈其偶未見與乾隆四十

六年十二月恭校上

總纂官 臣 紀昀 臣 陸錫熊 臣 孫士毅

總校官 臣 陸 費 墀

至大金陵新志原序

郡志之見於世者多矣其間名是而實非語此遺彼

者比比皆是求其紀載有法序事詳密使人如身履

其地而目擊其事者則百不一二見焉豈以其陵

谷之變遷事文之繁縟故紀述有難詳與不然何其可

觀者鮮若是哉甲申春浮光士張君鉉以其所撰金陵

新志首藁示其脩志本末畧曰首為圖攷以著山川

郡邑形勢所存次述通紀以見歷代因革古今大要中

欽定四庫全書

至大金陵新志
原序

一

為表志譜傳所以極天人之際究典章文物之歸終以

摭遺論辨所以綜言行得失之微備一書之旨至其終

又曰文摭其實事從其綱亦詳矣哉是年夏集慶路將

以是編鋟諸梓上之臺僉曰善且以序見屬辭不獲命

應之曰是編首藁固嘗見之而有以知其叙事之詳也

使其其中皆然豈不能使覽者如身履其地而目擊其事

哉予聞張君博物洽聞而作事不苟於是編也容有始

詳而終畧者乎是夏四月初吉奉直大夫江南諸道行

御史臺都事索元岱序

欽定四庫全書

至大金陵新志
原序

修志文移

集慶路總管府承奉江南諸道行御史臺劉付據監察御史索奉直呈嘗謂陵谷之在霄壤猶有變遷州郡之閱古今豈無因革倘遺文之或泯奚往跡之能明切觀景定建康志者地理有圖人物有傳溪山之勝靡不載風土之宜因或遺可以知羣賢出處之機可以見六朝興亡之跡爰稽故實殊廣見聞惜故板之不存幸殘編之僅在今不印證久必陸沉如蒙將見在全書責付集

欽定四庫全書

至大金陵新志
修志移文

慶路令儒學從新繡梓以廣其傳不特可備觀覽於邦人亦足以垂監戒於天下具於風化不為無補呈乞照詳施行得此施行間又據集慶路申據儒學申准本學周教授關嘗謂郡有志書所以考古今之沿革政具方榮所以驗風俗之盛衰此季札過魯得以考歷代之禮樂為喜夫子言夏殷之禮亦以文獻不足為恨切見集慶一路舊稱三吳都會實為名勝之邦古今紀載山川景物英雄忠義之士不一而足至於志書歷宋景定年

至馬裕齋方行脩輯完備惜其舊板已經燒毀不存而日近郡士戚光妄更舊志率意塗竄遂使名跡埋沒無聞志士莫不惋惜今次莫若因舊志之已成增本朝之新創重新繡梓印行亦為一代盛典豈不韙與然此未敢擅便申乞照詳得此申乞照驗施行憲臺依准所言合下仰照驗委官提調於本路儒學錢糧內支撥刊板先具委定職名依准申臺奉此又准本路判官周奉訓牒呈該准來牒備奉憲臺劄付委自當職提調重刊建

欽定四庫全書

至大金陵新志
脩志移文

康志書等事除依准外切謂古者諸侯置史以紀國政采詩以觀民風此國有史記詩有國風之所由也後世州郡各為志書亦此之遺意如欲述方冊之舊聞所合著朝廷之盛治照得集慶為江南要郡自我朝混一迄今六十八年中間恩命之所加風化之所被臺察之設置州郡之沿革名宦之政績人才之賢否山川之變遷風俗之移易與夫忠臣孝子義夫節婦俱有關於政教甚大苟不廣其見聞攷之事實裒集成編以續前志歲

月既久漸致湮沉如蒙以禮敦請名儒赴學討論編輯以成其書庶見國家政化之隆臺察紀綱之重然此牒請施行准此行據本路儒學申准本學周教授明道書院房山長關照得景定舊志已行刊雕在手所有續纂新志非仗大手筆未易成就近聞陝西儒官張用鼎名鉉學問老成詞章典雅必得其人事能就緒然非致禮幣詣門敦請豈肯俯臨脩纂關請詳酌合用禮物以憑敦請施行准此議備禮幣移委本路判官周奉訓周教

欽定四庫全書

至大金陵新志
脩志移文

授房山長等親詣寓所敦請於至正三年五月初十日到局脩纂十月望成書計壹拾伍卷重行點校繕寫當年十二月十二日本路帥府判劉知事王教授同於本局關領呈臺至正四年三月內本路照得近奉憲臺劄付為刊脩郡志事行下各州司縣儒學院務會集耆舊儒職人等講論搜集申到置立衙門經理田土各各事蹟移委判官周立親貴禮幣禮請到奉元路學古書院山長張鉉纂成金陵新志壹拾伍卷計壹拾叁冊發下

本路儒學校正去後回據狀申本學王教授與學正方
自謙訓導陳顯曾等校正相同如將前項新志刊板緣
實在學糧銷用不敷宜從總府從長規畫分派刊造便
益申乞照詳得此行下本路儒學與錄判王淵重行計
料板物工價參詳張山長纂撰金陵新志壹拾叁冊儒
學會集儒職校正相同誠為有補於將來擬合刊板印
行以廣其傳分派溧陽州學刊雕五卷溧水州學明道
書院各刊三卷本路儒學刊造二卷及序文圖本照依
欽定四庫全書

至大金陵新志
附志移文

元料工物合用價錢於各學院錢糧內除破移委判官
師珍知事劉伯貞司吏朱謙監督併工刊雕申覆憲臺
照驗當年五月內承奉江南諸道行御史臺令史孔淮
承行劉付該來申為刊雕金陵新志板物價錢共中統
鈔壹佰肆拾叁定貳拾玖兩捌錢玖分玖釐送據照磨
所呈照算相同憲臺合下仰照驗依上施行承此

職名一
臺府
提調官掾

江南諸道行御史臺

御史中丞董守簡資善

都事樊執敬朝散
索元岱奉直

石思讓奉議

令史艾宗勉
蔡茂正

劉孟琛
孔淮

督工校勘典吏陳以咸

欽定四庫全書
至大金陵新志
附志職名

集慶路總管府

府判周堯奉訓
師珍承直

知事劉伯貞

職名二
臺
府官掾

江南諸道行御史臺

御史大夫托歡

御史中丞巴延
董守簡

任擇善

侍御史實保

馮思溫

王紳

治書侍御史順昌

秦從德

經歷道拉實

納蘇羅丹

都事樊執敬

索元岱

石思讓

照磨趙儼

默好古

管勾郭汝能

蓋繼祖

欽定四庫全書

至大金陵新志
附志職名

監察御史阿爾斯蘭布哈

實巴爾圖

托歡

僧努

達實密

茂巴爾

太平

諤勒哲特穆爾

默爾吉濟特

瑪魯

諤勒哲特穆爾

張思誠

王武

楊秩

張珪

王多羅岱

李貞一

石思讓

王時可

噶海齊

壽昌

趙翔

常有恒

王永澄

丁好禮

楊惠

令史蔡茂正

費詵

房圭

趙瑄

任性善

蘇德信

欽定四庫全書

至大金陵新志
修志職名

劉孟琛

薩題勒密實

孔淮

王鵬

額森特穆爾

李忠

梅友賢

艾宗勉

趙範

諤勒哲布哈

通事

巴延

譯史阿克實

喜山

安珠

知印寶柱

巴延

宣使段汝舟

德壽

和尚

吳謙

布延特穆爾

錫沙布哈

大悲努

烏呼訥

典吏張梓

吳允恭

許鎬

樂敬直

庫子劉允

郝元良

欽定四庫全書

至大金陵新志
修志職名

四

薩都拉

察院書吏

陳仲信

呂嗣祖

邵處義

周宗魯

慕完

楊旭

朱明寶

劉偉

達實

張弘

武瑛

高守中

耿權道

石允中

額森呼圖克

邵忠

程伯榮

許瑞

呂謙

苑天常

集慶路總管府

達魯噶齊特哩

總管張塔海特穆爾

同知羅壘

欽定四庫全書

至大金陵新志
修志職名

五

治中廉青山

府判周堯

師珍

推官高仲榮

劉忠

經歷牛明善

知事劉伯貞

修志本末

一古者九州有志尚矣書存禹貢周紀職方春秋諸侯有國史漢以來郡國有圖志圖志兼記事記言之體自山川物產民俗政教沿革廢置是非善惡災祥禍福無不當載載而上之王朝修為通史著為經典則褒貶之義見焉金陵在禹貢為揚州歷代為都為國為州為府典章文物宜可攷徵而陵谷變遷事文散逸自宋以來病之今志畧依景定

欽定四庫全書

至大金陵新志
修志本末

辛酉周應合所修凡例首為圖攷以著山川郡邑形勢所存次述通紀以見歷代因革古今大要中為表志譜傳所以極天人之際究典章文物之歸終以摭遺論辨所以綜言行得失之微備一書之旨文摭其實事從其綱總為一十五卷卷各有類類例繁者析為上中下卷具如後錄如其筆削以俟君子

一金陵得名自楚威王築城石頭因山立號始見史

傳而山川形勢表然為東南重鎮則其來遠矣上

古帝王有建國朝會於斯若雲陽氏之居雲陽建

丹徒接界有雲陽嶺詳見通紀夏禹之會羣神茅山詳見後周初山川志

太伯之國勾吳茅山古名勾曲形如勾已勾轉為句句容以是得名也近延陵瀨渚

皆吳春秋楚靈王之築城瀨渚見後古迹固城下皆見史

傳而年世悠邈事難詳究今依景定志以周元王

四年己巳越相范蠡築城長干為金陵城邑之始

斷自是年表其行事迄今至正癸未凡一千八百

欽定四庫全書

至大金陵新志
修志本末

二

一十五年損益舊聞附著時事首尾該涉粗為詳

備而春秋以前事蹟散見諸篇文有錯互覽者詳

焉

一金陵圖志存者惟唐許嵩建康實錄宋史正志乾

道志吳琚慶元志周應合景定志而刻板已亡所

見卷帙類多訛缺惟景定志五十卷用史例編纂

事類粲然今志用為準式參以諸志異同之論間

附所聞折衷其後至於事文重泛非闕義例者本

志既已刊行不復詳載

一古之學者左圖右書況郡國輿地之書非圖何以
審訂至順初元郡士戚光纂修續志屏却舊例并
去其圖覽者病焉今志一依舊例以山川城邑官
署古跡次第為圖冠於卷首而攷其沿革大要各
附圖左以便觀覽

一晉之乘楚之檇杞魯之春秋皆諸侯史也乘檇杞
缺亡不可復知以春秋經傳攷之諸所記載或承

欽定四庫全書

至大金陵新志
修志本末

三

赴告或述見聞其事有關天下之故者雖與魯無

預皆書於冊

若蔡鄭會鄧齊鄭如紀鵠退石隕沙麓崩郭亡之類於魯無預或非赴告

亦其非義之所存及聞見所不逮者雖本國事亦

或棄而不錄

若隱公元年傳舉不書之例及隱桓莊閔之春秋具詞畧傳稱定哀之世

多微辭之類

疑此皆非聖人筆削新意史策舊章固存

斯義脩景定志者用春秋史記法述世年二表經

以帝代緯以時地人事開卷瞭然與建康實錄相

為表裏可謂良史而戚氏譏其年世徒繁封畫解

述所作續志悉芟去之以論他郡邑可也而非所

以言建康豈惟前代事蹟漫無統紀亦將使昭代

之典閣而不彰今不敢從述世年表悉依前例

一建康自至元丙子歸附至今至正癸未六十八年

典章沿革民俗得失視他郡宜多可紀而官府文

舉兩經焚燬故老晨星無從詢訪古云堂上遠於

百里堂下遠於千里言相去益遠則見聞乖謬情

志益難遽通況士民殊習朝野異趨偏辭隅論故

欽定四庫全書

至大金陵新志
修志本末

四

難据依今自丙子前雜稽史傳歸附後用戚氏續

志及路州司縣報至事跡附以見聞可徵者輯為

斯志信以傳信疑以傳疑所謂裨毫芒於泰山存

十一於千百篇帙既繁不無缺謬與我同志者攷

訂而附益之深所願焉

一除圖攷通紀外表志諸篇各有叙叙所以為作之

意人物志析為世譜列傳皆據前史纂其名實鉅

細兼該善惡畢著傳末例有論贊不敢僭越惟范

蠡傳前志用吳越春秋及史記傳文辭頗蕪類今

略加潤色明李綱所以說高宗之意蠡非王者之佐也然金陵

城邑經始於蠡六代建都因其遺跡故論者謂江

左形勝古今一也范蠡用之佐勾踐稱伯江淮由

微弱以致富強孫皓陳叔寶用之則由強大而致

覆亡易於反掌所謂無競維人在德不在險者著

矣李綱說見

未卷奏議

一歷代以來碑銘記頌詩賦論辨樂府叙贊諸作已

具周氏戚氏二志不復詳載今輯其篇第志於古

跡卷中其關涉攷證者隨事附見自餘文記郡州

司縣采錄未完郡庠續為編輯附於志末

一溪園先生周應合宋末名儒其修郡志以馬制置

光祖供給搜訪之勤帥憲運漕諸府幙官論辨攷

訂之助數月成書猶多訛謬鉉也曩因授徒來往

是邦十五餘年雖嘗從諸縉紳先生遊覽商略得

其大槩而憂患之餘學荒辭陋誤膺郡聘無能為

役始自夏五入局編纂疲罄心思凡六閱月以仲

冬朔旦繕寫成編不敢上之太史列於掌故施之

承學或可資披證之萬一云

欽定四庫全書

至大金陵新志
修志本末

新舊志引用古今書目

尚書今文禹貢

汲冢周書

春秋左氏傳周左丘明

春秋外傳周左丘明

史記西漢司馬遷

戰國策漢劉向

吳越春秋晉趙曄楊方

西漢書漢班固

東漢書吳謝承宋范曄劉昭

後漢紀魏荀悅

三國志晉陳壽

吳書吳韋昭

晉書唐太宗

晉陽秋晉孫盛

欽定四庫全書

至大金陵新志引用書目

晉紀晉徐廣

晉記宋裴松之

漢晉春秋晉習鑿齒

宋紀齊王智深

齊書陳許亨

宋書梁沈約

齊書梁蕭子顯

梁書陳書陳姚察

續晉陽秋齊檀道鸞

南北史唐李延壽

隋書唐魏徵

唐書宋歐陽脩宋祁

五代史宋歐陽脩

南唐書宋胡恢

資治通鑑宋司馬光

通鑑綱目宋朱熹

宋鑑長編宋李焘

金國志

宋季三朝政要

二王本末宋陳仲微

水經漢桑欽撰魏鄒道元注

丹陽記齊山謙之

京都記齊陶季直

建康實錄唐許嵩

金陵古迹編宋石邁

六朝事類宋張敦頤

六朝事類別集宋吳玘

六朝進取事類宋王謬

乾道建康志宋史正志

慶元建康志宋朱舜庸吳珣

景定建康志宋周應合

句曲志宋張侃

欽定四庫全書

至大金陵新志引用書目

咸淳漂水志宋周成之方遜

漂陽志宋趙師夫

古今州郡記梁陶弘景

帝代年厯梁陶弘景

風土記晉周處

揚都賦晉虞曹毗

揚州記晉曹憲

搜神記晉干寶

齊史十志齊江淹

世說宋臨川王劉義慶

吳地記齊任昉

三吳決錄齊孔道

淮海亂離志梁蕭圓肅

梁舊事梁蕭大園

輿地志陳顧野王

地形志隋庾季才

古今帝代記後周明克讓

區宇圖志唐姚思廉

梁實錄梁周興嗣

三十國春秋梁蕭方等

通典唐杜佑

元和郡國志唐李吉甫

方輿記古今國典歲時廣記南唐徐鉉

南唐近事宋鄭文寶

寰宇記宋樂史

輿地廣記宋歐陽志

祥符圖經

方輿勝覽宋祝穆

山川地理圖宋程大昌

通志宋鄭樵

路史宋羅泌

欽定四庫全書

至大金陵新志
引用書目

三

江表傳

吳錄唐張勃

江乘記

六朝宮苑記

丹陽尹錄

苑城記

金陵六朝記

秣陵記

建康宮闕簿

江表志

唐十道四蕃志

宋朝事實

宋會要

江南野史

尚書蔡傳輯錄董鼎

夷堅志宋洪遵

茅山志劉大彬張天與

集慶續志戚光

諸家文集詩集

金陵覽古詩朱存陳軒楊備馬之純

金陵百詠宋曾極陳品



金陵故事

名臣事畧蘇叅政伯恪

欽定四庫全書

至大金陵新志
引用書目

四



輿地志云鍾山古金陵山也縣邑之名由此而立建康
實錄云楚威王築城石頭置邑以其地接華陽金壇之
陵故號金陵秦始皇三十六年以金陵為鄣郡治故鄣
屬吳興郡即 今湖州路 三十七年東遊還過吳從江乘渡望氣者
言五百年後金陵有天子氣因鑿鍾阜斷金陵長隴以
通流至今呼為秦淮乃改金陵邑為秣陵縣諸葛亮所
謂鍾山龍蟠石城虎踞真帝王之宅 今考故蹟左則方
山石碗山之間右